

نار وبارود

حنا اليامنا وعدنا وفينا
 واليا عطينا نعرف الجود ونجود
 وما نذبح البسمه ليامن حكينا
 وما نفرض الغلطة على البيض والسود
 من طبعنا لا من عطينا عطينا
 جود من الموجد والجود موجود
 بعنا المذلة للضعيف وشرينا
 عزة نفوس وجد واخلاص وعهود
 نضرب خطانا بالعصا لا خطينا
 حتى ولو كان الخطا غير مقصود
 وما نزعل اصحاب الجمائل علينا
 هذا وحنا نجزي الجود بالجود
 يكبر غضبنا لا تعزوي حدينا
 نرضيه لو نبذل على ارضاه مجهود
 واليا انتخن المترفات اعتزينا
 نفزع ولا نرضى على البننت منقود
 نزعل ونغضب وان زعلنا نوينا
 كن الهدب والعين نار وبارود
 نرضى نموت ومدنا في يدينا
 ولانعيش بمجد ضايع ومفقود
 نعم خضعنا روسنا وانحنينا
 لله ولا غيره مع الناس معبود
 مثل الغصون اليا انتنت انتينا
 وقلوبنا خشاع ركاع وسجود
 نتبع ونأمن وبالرسل واقتدينا
 بمحمد وعيسى وموسى وداود
 خفنا من اسباب الضياع ان قرينا
 باهل الجحيم وقصة اصحاب الاخدود
 نمشي على كف التراب وروينا
 من قلب مزن مرعد يرعد ارعود
 يكفي فخرنا بأصلنا لا انتخينا
 حنا عرب من واقع جدود لجدود
 ماقد تعلمنا الخطا واعتدينا
 ولا قف في صفنا شخص مضهود
 الصبر فينا مبتلي وابتلينا
 نصبر ولا نرجي من الوقت مردود
 لو يشكي منا التعب ماشكينا
 ولا تخلفنا ولا نخلف وعود
 حنا ليامنا وعدنا وفينا
 واليا نوينا قد الافعال وقدود
 غير القلوب الخاشعة مارجينا
 والدمعة اللي تجرح اوجان وخدود
 لا الكره قايدنا ولا الحقد فينا
 ما حنا من اللي يجزي الطيب بجود
 هذي عوايد طبعنا واكتفينا
 الله خلقنا ازهود ونفني له ازهود
 اقولها والله وكيل علينا
 بسم العلم لاصار عالي ومرصود
 اقولها اقولها وانتهينا
 حنا الكويت قيادة وشعب وجنود

حامد زيد